

武甯縣志卷之十二

武甯縣知縣粵東何慶朝纂

公廨

附

上諭亭

試院

賓興館

各試館



堂堂冰暑上棟下宇戴星鳴琴風雨攸除毋曰傳舍惟其燕處撫字保障曰毋曰父文職教養武戢弁伍寇竹召棠蒼生所護官有常司民以安堵試院賓興與命特樹旁及僑居克謀安聚武城山陬咸急義舉花落庭間於焉歌舞志公署

縣署

舊在高鄉西安里唐景雲初東遷於羅村饒灣之間今新

縣地

通志

唐元宗天寶四年縣令范建殊始遷縣城於玉枕山前即

武甯縣志

卷十二

公廨

三百九十三

今縣治公署規制不可攷

梁志

宋神宗元豐間縣令呂晉夫建東軒於廳左太史黃庭堅

有銘

見藝文

紹興五年縣令上官世美重建縣署

淳熙十年縣令洪楨重修改東軒為絃歌堂

以上梁志

案洪楨通志與府志職官同惟府志建置作楨梁志

作楨均悞

元至正壬辰土寇張普獻陷城縣署燬

明洪武元年知縣但元行建大堂儀門幕廳各三間東西吏房各七間架閣庫三間堂後為縣署東為縣丞署西為主簿署東南為典史署又南為預備倉土地祠西為吏舍又南為獄

洪武二年知縣盛文郁重加興繕措置完備堂曰平政上

梁志明洪武二年興繕一次通志遺

成化元年知縣余希賢重建大堂三間後堂五間左為鈔房右為庫房

成化十四年知縣王僑建譙樓五間

成化二十一年知縣馮琦重建架閣庫三間譙樓外東建旌善亭三間傍房十三間西建申明亭三間傍房十一間以上梁志

按成化二十一年重建一次通志遺

宏治十四年知縣林本淵重修改舊制其後知縣毛騃陸

浚梁燾遞加修葺梁志

武甯縣志

卷十二

公廨

二

四百卅五

按宏治十四年重修一次通志遺

嘉靖二十一年知縣唐牧於廳前東西立角門儀門外東西立傍門於譙樓前東闢陰陽學地為申明亭西闢醫學地為旌善亭堂後建軒曰退食又後建樓曰保甯樓東西為廂房署西為書房鑿池藝菊曰政餘樂地

萬曆四年知縣胡東陽重修儀門改東西從門於儀門內申明旌善二亭循次續修煥然一新

萬曆七年知縣高焜建迎賓館於儀門內以禮賢士三十年知縣李呈芳於預備倉前建廳中設土地象外為客舍曰閱過軒三十七年知縣周道昌改川堂創官廳曰體仁堂刊清慎勤箴為四列於四壁橫設磚牆中開宅門題曰極懸咫尺又於保甯樓前建廳曰公暇堂三

十八年知縣張茂柏易譙樓爲八字牆新創大門中爲層級又爲甬道改申明亭爲譙樓

四十七年主簿奉裁署廢 以上梁志

按萬曆四年七年三十八年修建三次通志遺

天啟間縣堂朽腐知縣徐士華修

崇禎間知縣徐鳴時以主簿基前半爲典史署後半立社倉未幾倉廢

國朝順治二年流賊自九江突入城陷土寇柯黨繼肆焚掠

廳宇庫冊皆燬

順治四年知縣在天祚議將入甲里長免役出費上請修建報可會金聲桓之亂叛將鄧雲龍據城天祚解組去不果及大將軍譚泰來討雲龍降順武邑以平署縣夏

武甯縣志

卷十二

公廨

三

四百二十八

遵虞集材鳩工堂宅後樓一時並建 以上梁志

按萬曆四十七年以下武邑以平以上通志遺

順治十年知縣王道隆修葺庫房

順治十四年知縣顏默內衙失火延燒保甯樓及東西書房旋復建

康熙元年知縣馮其世捐俸重修儀門庫樓東西書吏房十一間並增修衙舍四年於保甯樓舊基建樓曰躋甯教諭湯民貞記

雍正五年大堂圯知縣方聲亮重建九年知縣吳之彥移

頭門少卻近北於頭門舊址建屏牆

乾隆二年又於儀門內建

上諭坊重修東西吏書房十二年知縣嚴在昌於照牆外分

建申明旌善二亭十九年知縣鄒應元於川堂東西添建廊房四十年知縣梁鳴岡捐俸重修川堂及東西吏書房又內署西廂房五間四十四年詳請修建大堂五十二年石讚韶捐廉修建頭門外屏牆添兩柵左輯武右教甯二門並申明亭及兩廊科房內署東書房四間嘉慶四年知縣王寰詳請重修頭門一間官廳一間十六年知縣許敦仁詳請重修二堂三間書房五間署內住房五間 據冊新增

道光二年知縣陳雲章捐俸重修屏牆至大堂等處八年內署火延燒至內宅門知縣盛思信捐修十年內署復火延燒至內宅門封翁張紹璣捐修是年知縣秦細武詳請重修大堂至頭二門

武甯縣志

卷十二

公廨

四

四百四十九

咸豐四年粵匪竄城焚毀八年知縣汪寶樹督令邑紳於團練經費內抽費重修規制宏敞邑紳羅鴻烈督辦工料

附紀縣署後相照園

道光年間邑令王師道於縣署左蓮塘隙地築相照園園環塘周遭嵌小石路間以假山塘中起草亭通木橋繞紅欄橋下種紅白千葉蓮花亭外截塘之半養魚北建樓曰文光南建閣曰秋香西曰友竹山房計若干間東曰聊借一枝樓計一間然皆面塘園勝在塘也永新殿撰劉繹暨師道均有記咸豐四年賊燬遺址尙存

縣丞署

國朝順治十年舊建於典史署舊基移預備倉於丞署舊址

尋復其初

乾隆三十九年廳堂朽腐縣丞金明達捐俸重修

梁志

嘉慶十一年於署左建公館一所共八間

咸豐四年賊燬遺基待建

學署詳學校志

梁志

主簿署今裁

通志

典史署在縣署西咸豐四年賊燬合邑紳耆於團練局

抽費重修

按通志在縣丞廨南誤

本高縣丞署在年豐鄉乾隆二十二年奉

旨縣丞分駐本高建廳一間頭門一間內署三間嘉慶年間

縣丞傅宗敏重修

道光二十二年縣丞張鳳輝因本高舊署久壞兼之地形

平榻移請遷建知縣王捐廉倡首本都紳耆捐資集事

武甯縣志

卷十二

公廨

五

四百正字

相地於高居寺左首購寺僧基二十三年移建

咸豐四年賊燬

高坪署即高計公館今裁

高坪公館在年豐鄉久廢其地為巡司署今裁

烟港公館在北鄉久廢

磨崖公館在安樂鄉久廢

河山公館在下南鄉久廢

羅溪公館在上南鄉久廢

稅課司明洪武間立正統間奉裁署址不知所在

陰陽學在縣署東明嘉靖間改建旌善亭

醫學在縣署西明嘉靖間改建申明亭

以上梁志

營署

明崇禎七年新設守備建署於布政分司舊址營官鄧禪

建正堂一間後堂三間衙署三間頭門一間兩橫廳內

書房厨

國朝康熙四年守備房光先增修廳堂左右廊房各五間內署十間周繚以垣建鼓樓

康熙五十六年守備扈養肅於川堂左建客廳曰文聚

乾隆八年都司李大威重建大堂川堂文卷房班房

以上梁志

咸豐四年焚燬合邑紳耆於團練局抽費重修

把總分駐箬溪汎舊建行營於邑東門城內咸豐四年焚毀合邑紳耆買張姓民房改作行營在都司署前左側

一外校場舊在東郊中有演武亭三間大門三間房五間宏治間知縣林本淵建嘉靖時唐牧重修繚以周垣萬厯間胡東陽復修旁有古松婆娑蒼鬱

國朝順治間營官徐大濟左立馬王廟右立關帝廟康熙四

武甯縣志

卷十二

公廨

六

四百六十一

年守備房光先創東西轅門馬道修理演武亭關帝等

廟雍正間都司鄒世權遷於大洋洲亭屋遂廢

乾隆三十四年知縣黃泌都司鄧崑建演武亭後被水冲

至三十五年知縣梁鳴岡都司孫受復建築土爲臺高

三尺旁夾以牆爲廳堂一退室三廂房規制始備

一內校場前明崇禎七年營官鄧禪建署始於二門外左

建關帝廟

康熙四年守備房光先增建馬王廟乾隆十六年都司

楊焯建校射三間於按察分司地

四十四年都司線坦以左右二廟在署嫌爲瀆褻改建

關帝廟於內校場合祀馬王火神特立廟門匾曰三聖

又東門內司前街合營創建公館計屋十三間坐北向

南 以上梁志

上諭亭在 文廟右乾隆三年知縣吳之彥建規模狹隘不稱
觀瞻道光三年試用教職張紹璣輸金重建知縣陳雲
章有記見藝文

考棚在城北縣署後道光十七年封翁張紹璣命男向斗
向仁購基新建是年五月興工次年三月告竣宏敞堅
固共費銀一萬五千三百四十五兩零邑紳士稟請詳
轉奉 部請

旨議叙邑庠張向斗議叙通判州同張向仁議叙同知事詳
府尹張新建考棚碑記見藝文初張尹倡捐制錢叁百
千檄縣令林懋勳縣丞張鳳輝勸捐公建既得封翁獨
任其事繳還倡捐錢項重奉札諭此項改捐正誼書院

武甯縣志

卷十二

公廨

七

四百五十四

詳書院門其後合邑士子於考棚上重設龕龕題封翁
生主供奉其上咸豐甲寅粵賊竄武折毀幾盡八九兩
年紹璣孫英澍等重修十一年賊竄復毀於同治五年
大加修葺計費五千八百餘金

武甯公宇一在江省惠民門外水次漕倉之右屋六間基
地一片左聯漕倉右抵沙河廟北界范姓公牆南至河
水自嘉慶甲戌邑人捐金購得兌漕之民藉以蔽風雨
安舟楫其利溥焉誠義舉也咸豐三年江省防堵折燬
舊基待建一在吳城後河舊圓通菴地縱二十三丈橫
十三丈邑士商建中會館三重主圓通菴二重菴左賓
館二重右懋思廚房廚房前爲闕闕隆平知縣邑人王
子音有記見藝文

京師武甯試館在永定門內北蘆草園嘉慶辛酉太僕寺
正卿邑人盧浙偕紳士捐買舊屋七間乙丑重建四間
計共十一間館基縱橫約七八丈道光庚子年將買契
付舉人李若瑤手收

游藝堂在府學

聖廟右側長樂鄉舒九萬主修舊規歲科試學官書斗及本
鄉生童寓鄉試本鄉科生及辦考書斗公寓道光十六
年 府憲張建洪都書院於學右諭令八屬之八堂改
歸洪都書院爲正課生童所肄業比經貢生盧定醅等
酌議稟詳凡歲科鄉試限期空盡只許本鄉入寓餘月
除橫屋并正屋西邊廳房兩間外別鄉生童必俟取列
正課本人方准搬入其附課者不得爭執等情詳案立

武甯縣志

卷十二

公廨

八

四百十四

碑

八鄉賓興會館在正誼書院之陽棟宇軒敞煥乎大觀閣
祀

文昌閣下寢室奉捐主八鄉者城市昇仁北鄉年豐順義上

南下南江陰是也餘詳會館碑記有圖見首卷咸豐甲寅賊燬

義學公館在邑上坊西門三爺殿側邑侯魏公捐廉勸捐
建基地張熙純獻

八鄉賓興公宇在邑上坊青雲巷咸豐七年建

耕餘試館在邑北門五圍年豐鄉三十一都建

二圖賓興館在邑下坊二圍上南鄉二圍建

登瀛試館在邑下坊冷家巷北鄉二十三都建

世平公宇在邑上坊學前巷二十七八兩都建

懋修試館在省垣眼光殿右側蕭家巷北鄉二十三都建

聚奎試館在省垣建德觀斜對門 上南鄉一圖上五遞建

凌雲試館在省垣黃家巷 上南二圖建

凌霄試館在省垣洪恩橋 上南二圖建

青雲試館在省垣董家塘 二十七都建

豫平試館在省垣狀元橋上首 二十八都建

廣庇試館在省垣洋子巷 下南鄉建

順義試館在省垣中大街射圃亭 順義鄉建

補遺

鳳鳴試館在邑上坊青雲巷北鄉廿六都建